

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 14. sjednici, održanoj dana 29.01.2024. godine, d o n o s i

ZAKLJUČAK

I.

Prihvata se Informacija o postupku pripreme Nacrta Zakona o borbi protiv korupcije, broj: 06-04/2-02-19306-1/23 od 23.01.2024. godine koja čini sastavni dio ovog zaključka.

II.

Zadužuje se ministar Ministarstva za pravosuđe i upravu Zeničko-dobojskog kantona da imenuje Radnu grupu za izradu Nacrta Zakona o borbi protiv korupcije.

III.

Zaključak stupa na snagu danom donošenja.

PREMIJER

Nezir Pivić

Broj: 02-_____/24

Datum, 29.01.2024. godine

Z e n i c a

DOSTAVLJENO:

1x Ministarstvo za pravosuđe i upravu,

1x a/a.



Broj: 06-04/2-02-19306-1/23
Zenica, 23.01.2024. godine

INFORMACIJA
o postupku pripreme Nacrta Zakona o borbi protiv korupcije

Ured za borbu protiv korupcije Zeničko-dobojskog kantona, u daljem tekstu: Ured, Ministarstvu za pravosuđe i upravu Zeničko- dobojskog kantona je dostavio akt, broj: 21-01-18621/23 od 14.12.2023. godine, kojim podnose Inicijativu za donošenje zakona iz oblasti borbe protiv korupcije.

U aktu je navedeno, između ostalog, da se može zaključiti da postoje poteškoće u implementaciji aktivnosti u oblasti borbe protiv korupcije, uzimajući u obzir iskustva u dosadašnjem radu Ureda, a koje se vežu za nedostatak zakonodavnog okvira. U tom smislu je potrebno da se uspostavi legislativni okvir za efikasnu prevenciju korupcije i koordinaciju borbe protiv korupcije, kao i preduzeti korake ka normativnom uređenju i iznalaženju zakonskih rješenja kojima bi se regulisala brojna pitanja iz oblasti borbe protiv korupcije.

U aktu se također navodi, da je potrebno preduzeti korake ka normativnom uređenju i iznalaženju zakonskih rješenja kojima bi se regulisala brojna pitanja iz oblasti borbe protiv korupcije.

Dalje, u aktu je navedeno da je, u periodu od osnivanja Ureda pa do danas, postalo jasno da jedan od ključnih i prioritarnih zadataka treba da bude osnaživanje uloge Ureda kao nosioca antikorupcijskih aktivnosti, odnosno zakonsko pozicioniranje Ureda, dodjela potrebnih nadležnosti i sveukupno jačanje kapaciteta Ureda za borbu protiv korupcije.

S toga je potrebno što prije krenuti put donošenja zakonskih rješenja, kojima će ova oblast dobiti legislativni okvir, a akteri i zakonsku nadležnost za svoje djelovanje.

Kako je Rješenjem o imenovanju Radne grupe za izradu Nacrta Zakona o prijavljivanju i postupku provjere podataka o imovini nosioca javnih funkcija, broj: 06-04/2-02-15832-6/23 od 12.12.2023. godine, već imenovana Radna grupa za izradu Nacrta Zakona o prijavljivanju i postupku provjere podataka o imovini nosioca javnih funkcija, i čiji članovi već rade na izradi navedenog propisa, Ministarstvo je mišljenja da se, u svrhu i cilju izrade Nacrta Zakona o borbi protiv korupcije, koji je predmet Inicijative Ureda, formira Radna grupa za izradu Nacrta Zakona o borbi protiv korupcije, a koju će činiti članovi predstavnika Ministarstva za pravosuđe i upravu, Sekretarijata za zakonodavstvo, Ureda za borbu protiv korupcije i predstavnika Ministarstva finansija, u istom sastavu imenovanom Rješenjem o imenovanju Radne grupe za izradu Nacrta Zakona o prijavljivanju i postupku provjere podataka o imovini nosioca javnih funkcija, broj: 06-04/2-02-15832-6/23 od 12.12.2023. godine.

Budući da se radi o ključnom propisu koji će predstavljati zakonodavni okvir za dodjelu nadležnosti i jačanje Ureda kao nosioca antikorupcijskih aktivnosti kroz zakonsko utemeljenje, Ministarstvo predlaže da se Informacija o postupku pripreme nacrta zakona o borbi protiv korupcije prihvati, uz uvažavanje prijedloga i sugestija iz Inicijative Ureda kroz formiranje Radnu grupe koja će pristupiti izradi Zakona kojim se uređuje borba protiv korupcije u Zeničko- dobojskom kantonu.

MINISTAR

Nebojša Nikolić